

ՀԻՆ ԹՈՒՂԹԵՐ

ՐԱՖԳՈՒ ՆԱՄԱԿԸ ՔՐ. ՄԻՔԱՅԷԼԵԱՆԻ ՄԱՍԻՆ

1913 թ-ից սկսած էջմիածնի «Արարատ» պաշտօնաթերթում մեկն հրատարակել ենք Ս. Նազարեանի, Մ. Նալբանդեանի, Գամառ-Քա-րիպալի, Ս. Շահազիզի, Քեր. Պատկանեանի եւ Րաֆֆու նամակները — թուով հարիւրի չափ — ուղղւած Մոսկւա, Վերին-Ագուլեցի հան-գուցեալ Մելիոն Գասպարեան Փանեանցին:

Րաֆֆու նամակներից մէկը («Արարատ» 1913 թ. № 6-7, նա-մակ № 31) մի շատ քանկագին նշխարք ու վկայութիւն է Հ. Յ. Դ. Մեծ հիմնադրի՝ Ք. Միֆայէլեանի մասին: Աւելորդ չենք համարում կրկին տպագրութեան յանձնել «Վէմ»-ի էջերում:

Նոր — Զուղա.

Յ. ԻՐԱԶԵԿ

Թիֆլիս, 25 Դեկտ. 1885 ամի.

Յարգելի Բարեկամ

Մեկքօմ Գասպարիչ,

Մի փոքրիկ յանձնարարութիւն առիթ տուեց ինձ դրել այս նա-մակը: Մի քանի օր առաջ Ճանապարհ ընկաւ դէպի Մոսկւա Ձեր հայրենակիցներից մի երիտասարդ Քրիստափոր Միքայէլեանց անու-նով, որ դիտաւորութիւն ունի այնտեղ բարձր ուսում ստանալ:

Այդ երիտասարդը բոլորովին աղքատ տղայ է. նա ինքը կը սլառմէ Ձեզ, թէ ինչպէս կամ ինչ միջոցներով կարողացել է ուսում առնել:

Մոսկւայում ապրելու համար նա ունի միայն ամսական 15 ռու-բլի. ի հարկէ, դա շատ փոքր գումար է նրա ապրուստի համար:

Ես ևւ ինձ հետ ալ. Միքայէլեանցի մի քանի բարեկամները աշ-խատելու ենք, որ Թիֆլիսի Հայոց Բարեգործական ընկերութիւնը ամսական մի 10 կամ 15 ռուբլի նշանակէ նրա համար: Բայց մինչև և որ այդ կիրառորդէր, և որպէսզի նա ծախքերի կարօտութիւն չկը-րէր, ևս կը խնդրէի Ձեզանից, որ ծանօթացնէիք նրան զանազան հայ ընտանիքների հետ, եթէ երեխաների համար մասնաւոր գտա-տու կը սլահանջեն, նա կարող է շատ խղճատանքով պարապիլ: Պ. Միքայէլեանցը լաւ վարժապետ է, իսկ նրա բարոյականութեան մա-սին կարող էք հաւատացած լինել, որ ամենապատուական երիտա-սարդ է:

Գ.Գ.

Ընդունեցէք իմ անկեղծ յարգանքը

Յ. Մելիք — Յակոբեանց.

ԱՐԱՄԻ ՆԱՄԱԿԸ ՎԱՆԻՑ .

Բառացի ընդօրինակումն է այն նամակի, որ Արամ գրել է Հ. Յ. Դ. Բիւրօին Կովկաս 1915 թ. ապր. 15-16ին: Նամակը գրւած է ֆիմիական մատիտով, սպիտակ կտաւի վրա եւ գաղտնի նամապարհներով ուղարկւած Կովկաս: Վանի պաշարման օրերից մնացած քանգագին վաւերագրի պատմէնն է այս. բնագիրը, երեւի, կորել է: ԽՄԲ .

Կառավարութիւնը դաւադրաբար կոտորածի ձեռնարկեց . Իշխանը դառով սպանւած, Վառձեան աքսորւած: Բաղմաթիւ զիւղեր հրկիզւած, 5-6000 կոտորած կանանց, երեխաների, դաւառների մէջ: Խիստ ընդհարում վան եւ Շատախ: 10 օրէ ի վեր թնդան. կորոտան քաղաքի վրայ. ոչ մի վնաս մեզմէ: Շատախ 15 օր է կուռ մէջ է: Ժողովրդի տրամադրութիւնը բարձր է: Ժողովրդի վերջին յոյսը ձեզ վրայ է: Օր մը ուշանալը անգամ դաւաճանութիւն: Շտապեցէ՛ք, ժողովրդի փրկութեան համար շուտ հասնել:

ՍՏ. ՇԱՀՈՒՄԵԱՆԻ ՆԱՄԱԿԸ Ս. ԶԱԽԱՐԵԱՆԻՆ .

Հ. Յ. Դ. Կեմսր. Դիւանում մնացած մի բաց նամակ է, անթրակիթ: Վրան Ս. Զաւարեանի ձեռնով մակագրւած է՝ «Ստ. 4 XII 1912»: ԽՄԲ .

Յարգելի Սիմոն,

Խնդրում եմ մի երկտողով պատասխանէք իմ հետեւեալ հարցին, որով վաղուց է ինչ որ ուզում եմ Ձեզ զիմէլ, բայց միշտ յետաձգում էի մինչեւ հիմա: Երկու տարի առաջ Ռիգա գնալուս որ ես Ձեզանից 50 բուրլի վերցրի - այդ ի՞նչ փող էր եւ ի՞նչ պայմանով տւիք Դուք ինձ: Ամեն անգամ յիշելուս ինձ տանջում է այն անորոշութիւնը, որ կապւած է այդ հարցի հետ: Գո՞ւցէ հարկաւոր էր չուտով վերադարձնել: Ես հնարաւորութիւն չեմ ունեցել մինչեւ այժմ վերադարձնելու պարտքս եւ այս բոպէիս էլ չեմ կարող վերադարձնել, բայց կ'ողէնայի գոնէ, որ որոշէ՛ր ինձ համար այդ հարցը: Խնդրում եմ անպատճառ պատասխանէք: Յովսէփը գրել է Ձեզ, որ ես Բերլին եմ, - կարծում եմ նամակս չի զարմացնի Ձեզ: Ընդունեցէ՛ք ջերմ բարեկներս. Ձեզ յարգող Ս. Շահումեան:

Նամակի կողքին գրւած է .

Իմ հասցէն. Berlin - Charlottenburg, Kaiser - Friedrichstr., 37., Gartenhaus II|r. Գրեցէ՛ք խնդրեմ Նոյնպէս, Արամայիս Երզնէ-կեանը այդտե՞ղ է, թէ՛ զնացել է: